

11. marts 2015

Raajanut qaleralinnullu licensit killeqanngitsumik piffissalerlugit pigineqartarnerisa Aalisarneq pillugu inatsisartut inatsisaat nr. 18, 31. oktober 1996-imeersoq-mi § 14 atorlugu, ukiunik tallimanik sioqqutsisumik ilimasaaruteqarnikkut killilerneqartalersinnaanerat aningaasaqarnikkullu kinguneqaatissat ilanngullugit - Naalakkersuisut UKA2015-imi saqqummiussassamik misissueqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Nikolaj Jeremiassen, Siumut)

Inatsisartunut ilaasortap Nikolaj Jerimiassen Siumut siunnersuutaanut Siumumiit imatut oqaaseqassaagut.

Siumumiit siunnersuuteqartoq isumaqatigaarput tungavilersuummini Raajartassat qaleralittassallu sapinngisamik tamanut iluaqutaanissaat tungavilersuutigimmagu, nalilersortuagassaavormi inuussutissarsiuutitta pigaarnersaat, tamannalumi aamma aalisarnermi inatsisip tamakkiinerusumik naammassineqartariaqalerneranik aaqqissuuseqqittoqarnissaannik naammassisaqarfiusumik suliaqartoqartariaqarneranik tikkuussimmat.

Naalakkersuisooqatigiinnermi isumaqatigiissut malillugu aalisarnermut inatsisip naammassilluni suliarineqarnissaa qinigaaffimmi uani suliarineqassasoq isumaqatigiissutaavoq.

Siunnersuuteqartup saqqummiuppaa naalakkersuisut ukiakkut 2015-mi kinguneqaatissat qulaajarlugit misissorneqarsimallutik saqqummiunneqassasut, tamanna naapertuuppoq aalisarneq pillugu inatsisip suliarineqarnissaannut, aalajangiiffigisassatut siunnersuuteqartup saqqummiussai ilanngullutik qulaajaanermi misissorneqassasut Siumumiit inassutigaarput.

Taamaalilluni aalisarnermut inatsisip suliarineqarnerani ilanngullutik qulaajaanermi suliarineqartut saqqummiunneqarsinnaaqqullugit.

Siumumiit taamatut oqaaseqarluta siunnersuummi qulaajaasoqarnissaannik Naalakkersuisut peqquneqarnissaannik siunnersuut aalisarnermut inatsisissamik suliaqarnermut ilanngullutik qulaajaaffigineqarnissaat inassutigaarput, kinguneqaatissallu pillugit aalisarnermut inatsisip allangortinneqarnissaannut ilanngullutik saqqummiunneqassasut innersuullugit.

Siunnersuullu taamatut oqaaseqarluta Aalisarnermut, Piniarnermut- Nunalerinermullu Ataatsimiititaliamut aappassaaneernejartinnani ingerlatinneqarnissaa innersuussutigaarput.

Suka Frederiksen, Siumut